



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

REPUBLIKA E KOSOVËS
KOMUNA E LIPJANIT
REPUBLIKA KOSOVO
OPŠTINA LIPLJAN

| | | |
|---------------------------|---------------|--------------------|
| Pranuar me: Prilbjeho: | 16.07.2024 | |
| Njësia Jednica | Numri Broj | Shtojca Dodatak |
| 01-052/01-34088 | | |

Zyra e Kryetarit të Komunës

PROCESVERBALI
NGA
MBLEDHJA E PARË PUBLIKE
E THIRRUR NGA KRYETARI I
KOMUNËS NË QERSHOR
2024

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

INFORMATË RRETH NJOFTIMIT

Hyrje

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021, Udhëzimi administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-353-35739, e datës 30.06.2021 si dhe Planit të Veprimit për transparencë në komunë, Komuna e Lipjanit harton procesverbal nga mbledhja e parë publike e thirrur nga kryetari i komunës për periudhen janar-qershor 2024 i cili është mbajtur me datën 21.06.2024, në sallën e Kuvendit Komunal, duke filluar nga ora 10:00. Në bazë të Ligjit për Vetëqeverisje Lokale, Komuna është e obliguar të mbaj dy tubime me publikun, njërin në gjashtëmujorit e parë të vitit fiskal dhe tjetrin në fundvit.

Ecuria e Procesit

Zyrtari përgjegjës për menaxhimin me Platformen e Konsultimeve Publike dhe Koordinimin e konsultimeve publike në Komunën e Lipjanit ka bërë me kohë lajmërimin dhe ka publikuar njoftimin në ueb faqe të Komunës, në dy gjuhët zyrtare, dy javë para mbajtjes, sipas ligjit për Vetëqeverisje dhe rregullatives tjetër ligjore të cilat janë në fuqi.

<https://kk.rks-gov.net/lipjan/wp-content/uploads/sites/20/2024/06/27764.pdf>

Po ashtu njoftimi është vendosur edhe në hyrje të objektit të komunës si dhe në vendet e tjera më të frekuentuara nga ana e qytetarëve.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

INFORMATË RRETH NJOFTIMIT

Takimi i cili është mbajtur **21.06.2024** duke filluar në ora **10:00** në sallën e Kuvendit Komunal ka karakterin informues për pjesëmarrësit, ku përfaqësuesit e komunës njoftojnë për aktivitetet komunale, për të arriturat dhe vështirësitë, për synimet dhe investimet kapitale gjatë periudhes për të cilën është thirrur takimi, ndërsa të pranishmit mund të bëjnë pyetje dhe të japin propozime përfaqësuesve të zgjedhur komunal lidhur me realizimin e projekteve të planifikuara si dhe për çështje të tjera që janë në interes të qytetarëve.


Për të folur rreth aktiviteteteve të Komunës, për planet dhe sfidat, fjala kryesore i takoi kryetarit të komunës, Imri Ahmeti.

Në prani të drejtorëve të Drejtorateve komunale, përfaqësuesve të Këshillave Lokal përfaqësuesve të shoqërisë civile dhe shumë qytetarëve tjerë, mbledhjen e hapi kryetari i Komunës, Imri Ahmeti ku takimin e filloi duke i njoftuar të pranishmit punën e gjashtëmujorshit të parë të vitit 2024 të qeverisjes lokale ku bashkarisht kanë diskutuar për të gjitha projektet, të arriturat dhe sfidat gjatë kësaj periudhe.





PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË



PROCESVERBALI NGA MBLEDHJA E PARË PUBLIKE E THIRRUR NGA KRYETARI I
KOMUNËS NË QERSHOR 2024

TAKIMI ME QYTETARË



PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Kryetari Imri Ahmeti në fillim të këtij takimi është shprehur i kënaqur me dinamikën e investimeve kapitale e cila po shënon një rritje në bazë të planifikimit, ku theksoi se aktualisht janë duke u zhvilluar në teren 44 projekte investime vetanake nga komuna dhe projekte të tjera së bashku me partner.

Kryetari Imri Ahmet, ka vazhduar duke thënë se projekte të shumta kapitale janë proces të publikimit, vlersimit dhe lidhjes së kontratave dhe shumë shpejtë do të filloj implementimi i tyre.

Po ashtu, Kryetari Ahmeti, gjatë takimit me qytetarët lipjanas ka potencuar se të hyrat e përgjithshme vetanake deri në fund të muajit maj ka arritur të realizohet mbi 53.44 % me theks të veçantë ka përmendur të hyrat e realizuara nga tatimi në pronë që deri më tani është realizuar 42.61% nga planifikimi për vitin 2024.

Një dinamike pozitive ka cekur edhe shpenzimin e buxhetit në kategorinë e investimeve kapitale ku për këtë periudhë raportuese janë shpenzuar 39% e buxhetit të planifikuar.

Gjatë prezantimit të punëve që janë duke u realizuar në teren Kryetari Ahmeti ka theksuar se këtë vit Komuna e Lipjanit do të rrit numrin e përfutësve të bursave nga 172 në 400 studentë. Po ashtu ai ka cekur se ekzekutivi ka përgaditur propozimin për aprovim nga Kuvendi për seancën e radhës që të votohet për restaurimin e dy shkollave që janë vlerë e trashëgimisë në Lipjan, shkolla e vogël në Banullë dhe ajo në Dobrajë të Madhe.

Kryetari Imri Ahmeti po ashtu ka njoftuar të pranishmit se tani jemi në kohën e hartimit të Kornizës Buxhetore e cila gjatë vitit mund edhe të pesoj ndryshime, qoftë nga rishikimi i buxhetit, qoftë nga redistribimi, qoftë edhe nga tejkalimet e të hyrave, qoftë edhe nga donacionet dhe grantet që marrim gjatë vitit, por që kontributi juj përmes dëgjimeve buxhetore për KAB që po zhvillohen është i jashtëzakonisht i duhur për lokalitetet dhe venbanimet nga ju vini në mënyrë që t'i zgjedhim bashkarisht problemet e ndryshme kolektive por edhe ti realizojmë projektet më prioritare për vendin tuaj.

Më tutje kryetari Imri Ahmeti ka shpalosur edhe disa nga të arriturat e ekzekutivit përgjatë kësaj periudhe raportuese duke theksuar se në vazhdimësi jemi angazhuar që të gjithë qytetarëve lipjanas t'iu ofrojmë kushte dhe shërbime sa më cilësore. Jam i kënaqur me rezultatet e arritura nga Komuna e Lipjanit në zbatim të ligjit dhe transparencës e llogaridhënies, ka bërë që Lipjani të renditet si komuna e parë në nivel vendi në nga KDI.

Kryetari Ahmeti, duke vazhduar me prezantimin e punëve gjatë këtij takimi potencoi se edhe në këtë Komuna e Lipjanit ka marrë opinionin më të mirë të mundshëm nga Zyra Kombëtare e Auditimit (opinionin e pamodifikuar) dhe është viti i 9-të me radhë që Lipjani merr vlerësimin më të mirë të mundshëm në auditim. Ai po ashtu tha se kur jemi të vlerësimet i gëzohemi faktit që Komuna e Lipjanit në pas çdo matje që ju bëhet komunave është në krye të listave në nivel vendi.

PROCESVERBALI NGA Mbledhja e parë publike e thirrur nga Kryetari i Komunës në Qershor 2024

TAKIMI ME QYTETARË

Kryetari Ahmeti, foti qytetarët që të jenë sa më bashkëpunues sa më aktiv që nëpërmjet sugjerimeve, vërejtjeve dhe kërkesave të bëhen pjesë e pandashme e ndikimit në përmirësimin e jetës së gjithë qytetarëve të Komunës së Lipjanit, në të njëjtën kohë ai i ka falenderuar ata për kontributin e vazhdueshëm që po japin në lokalitetet e tyre.

Qytetarët prezent në këtë takim publik, kanë shprehur falënderime për Kryetarin Ahmeti, për angazhimin në kryerjen e punëve të shumta që po bëjnë për të përmirësuar jetën e qytetarëve të Komunës së Lipjanit si dhe paraqiten kërkesat për investime kapitale në të ardhmen krahas lokaliteteve të tyre e të cilat janë më me prioritet për ta.

Zymer Ahmeti përfaqësues i lagjes e Akllapit, tha se unë do ta ngris një shqetësim që e kam ngritur që disa herë që ka të bëjë me një shqetësim të banorëve të lagjes tonë rreth asfaltimit të rrugicave ku kemi probleme me pronarin me të cilin e kemi blerë pronën por tani jemi hy në një marrëveshje të negocimit që të na asfaltohet rrugica jone, ne mënyrë që ne mos ta pengojmë komunën dhe mos të kërkojmë kompensim nga komuna.

Kryetari Imri Ahmeti, Lagjeja e Akllapit e di që është në gjendje të keqe ajo pjesë por unë nuk do të hyj në pazar me askënd për t'ia paguar pronën, e kam thënë kushdo që donë me iu asfaltuar rrugica duhet të jep deklaratën me shkrim që nuk kërkon kompensim nga komuna ne e asfaltojmë për ndrysh nuk asfaltojmë rrugë private, nëse ju keni arritur marrëveshje ne do ta fusim në buxhet asfaltimin e rrugëve në atë pjesë.

Mustafe Rexhepi, Gadime e Eperme tha se ne Gadime janë bere shume punë ku jemi falënderues, por ka nevojë dhe për disa investime të tjera ne fshat si rregullimi i shtratit të lumit, trotuari, ndriçimi publik dhe asfaltimi i rrugicave ne disa lagje.

Kryetari Imri Ahmeti, në Gadime është punuar dhe po vazhdojnë punimet në disa projekte dhe do të ketë edhe projekte të tjera në vazhdim për ta kompletuar infrastrukturen ashtu siq ishte edhe kërkesa e juaj.

Afrim Hjarullahu, Banullë tha se e para është dashtë ne si qytetarë me pas me veti nga një kopje se ku do të ketë investime, me i pa se ku janë projektet. E dyta deshta me pyet a do të përfshihet ne buxhet projektet për urat ne Banulle dhe Shkolla e Vogël fshatit e cila është ne gjendje shume të keqe.

Kryetari Imri Ahmeti, në Banullë të do bëhet trotuari ne rrugën kryesore për nga ferma e Pulave që ka mbetur në gjysmë, kemi të planifikuar edhe disa ura nëper fshatra ku është e nevojshme intervenimi i tyre. Po ashtu akemi përgaditur propozim vendimin si ekzekutiv që në seancen e Kuvendit ë votohet për restaurimin e dy shkollave që janë vlerë e trashëgimisë në Lipjan, shkolla e vogël në Banullë dhe ajo në Dobrajë të Madhe.

PROCESVERBALI NGA MBLEDHJA E PARË PUBLIKE E THIRRUR NGA KRYETARI I KOMUNËS NË QERSHOR 2024

TAKIMI ME QYTETARË

Milaim Xhema, Grackë tha se ka nevoje për investime se pari pe riasfaltimin e rrugës kryesore, pastaj ndriçimi publik, asfaltimi i disa rrugicave dhe disa projekte te tjera qe jen te domosdoshme për banoret e këtij fshati.

Kryetari Imri Ahmeti, në Grackë janë berë disa investime dhe disa punë në rregullimin e infrastrukturës dhe do ti planifikojmë edhe asfaltimin e rrugicave dhe do kujdesimi edhe për ndriçimin public.

Nystret Kelemdni, Ribar i Vogël ne fshatin është punuar ,por si kërkesë me kryesore te këshillit te fshatit janë gjetja e një zgjidhje për ujë te pijshëm dhe zgjerimi i rrugës Rufc i Ri, Ribar i Vogël.

Kryetari Imri Ahmeti, tha se sa i përket investimeve ne ujësjellës ne kemi investuar aty ku ka pas nevoje, ndërsa ne nuk menaxhojmë me ujësjellës por menaxhon kompania e ujësjellësit e cila është e licencuar për këtë pune. Rruga Rufc i Ri, Ribar i Vogel, ka nevoje për zgjerim dhe do ta bëjmë,

Xhyle Korupzi, nga Shala, tha se e falënderoj kryetarin për investimet qe janë bere në fshatin Shale, por e kam një kërkesë qe te behet rrënimi i objektit te shtëpia e shëndetit qe është i rrezikshëm për qytetaret e asaj pjese, si dhe të bëhet rrënimi i shkollës së vjetër ne fshatin Risinovc.

Kryetari Imri Ahmeti ka thënë se do ti rrënojmë ato objekte te cilat janë te rrezikshme për qytetaret, Ai po ashtu tha se edhe gjatë viteve në vazhdim banorët e Shalës do të ju gëzohen edhe shumë projekteve të tjera që t'i realizojmë atje.

Milam Shala, Kleqke tha se ju falënderoj për investimet qe janë bere ne fshatin Kleqke, pasi qe janë bere disa pune te mire ne fshat dhe jemi falënderues

Kryetari Imri Ahmeti, është obligim i yni që qytetarëve të komunës së Lipjanit të ju sigurojmë kushte më të mira për jetë.

Ali Sopa, Grackë tha se ne fshatin Gracke ka nevoje për disa investime se pari ndriçimi publik se bashku me trotuar, pastaj mbjellja e disa drunjtëve dekorativ dhe disa investim te tjera për fshat.

Kryetari Imri Ahmeti Po ashtu tha se në Grackë do te kemi parasysh trotuarin se bashku me ndriçim publik për rrugën kryesore. Pastaj tha se së shpejti do te filloj ndërtimi i parkingut për shtëpitë e komuniteteve apo shtëpive te të pamës dhe para xhamive, si dhe zhavorrimi i rrugëve bujqësore.

PROCESVERBALI NGAMBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR TË VITIT 2023

TAKIMI ME QYTETARË

Kryetari Imri Ahmeti në përfundim të takimit me qytetarët e Komunës së Lipjanit ka thënë se do të vazhdojmë edhe me tutje me punët e mira për të mirën e qytetarëve të komunës tonë ku kemi disa projekte të mëdha si Parku së bashku me parkingun nëntokësor, ndërtimi i qendres së urgjencës, ndërtimi i shtëpise së kulturës dhe shumë projekte tjera.

Pasi çështje të tjera nuk kishte mbledhja përfundoi në ora **11:50**

Në këtë tubim publik kanë marrë pjesë **48** pjesëmarrës, prej tyre **10** femra dhe **38** meshkuj.

Bukurie Zejnullahu -Jashari



Udhëheqëse e Sektorit për Komunikim me Publikun dhe përgjegjëse për konsultime publike

Lipjan, 16.07.2024